

AMNESTY INTERNATIONAL

Komunikadu Imprensa

Lei Timor-Leste fó amnistia ba kriminozu funu-nain sira

Amnesty International ezijé ba Timor-Leste atu taka netik tiha kuak legál ida ne'ebé fó dalan fali ba kriminozu husi krime funu no krime kontra umanidade ne'ebé akontese ona hahú 1975 too 1999 iha okupasaun Indonézia atu la hetan kastigu.

'Timor-Leste; Justisa iha Lalatak-laran', relatório Amnesty International nian ida ne'ebé maka fosai ona ohin kona-bá nasaun Timor Leste ninia Kódegu Penál foun, dokumentu ne'e haree liu ba oinnusa lei ne'e fó amnistia ne'ebé bele hasees suspeitu krime funu ka krime kontra umanidade husi julgamentu.

Sein proibisaun ida ba amnistia hanesan ne'e, Timor-Leste la halo tuir ona ninia obrigaun ne'ebé prevé iha Estatutu Roma, Tribunál Penál Internasionál, ne'ebé maka nasaun ne'e simu no atu halo tuir iha 2002.

"Sobreviventes sira husi violensia direitu umanu iha tinan-ruanulu resin nia-laran iha Timor-Leste ezijé justisa no reparasaun, maibé ukun-na'in sira ne'ebé uza beibeik sira-nia kbiit atu fó amnistia, perdaun no medida sira be hanesan ne'e, kria dadaun no haburas ona kultura impunidade iha rai ne'e," lian-fuan hirak ne'e hatoo husi Isabelle Arradon, Amnesty International nia Peskizadór ba Timor-Leste.

Amnesty International sente taridu katak ulun-boot Timor-Leste sira nia kbiit atu uza amnistia tuir de'it buat hirak ne'ebé Kódegu Penál foun ne'e hateten, sei estraga nasaun foun ne'e ninia abilidade atu dezentolve enkuadramentu ida ne'ebé forte hodi hapara violensia, atu mantein judisiária ida be independente no forte, no lori grupu forsa armadu no forsa seguransa sira ba hataan ka responsabiliza ba asaun ne'ebé sira halo tiha ona.

Ema sira ne'ebé hetan ona akuzasaun no kastigu husi Painél Especial ba Krime Grave UNO ninian ba krime grave kontra umanidade ne'ebé halo ona durante tranzisaun 1999 Timor-Leste nian ba sai hanesan nasaun ukun-rasik-an, sira hamutuk ho sira seluk hetan ona liberdade husi perdaun presidensial ka komutasaun de sentensa.

Iha 2008, ulun-boot milisia Joni Marques hetan liberdade hafoin ninia kastigu substansialmente hamenus husi Prezidente. Joni Marques ne'e orijinalmente hetan akuzasaun atu kastigu ba tinan 33 iha kadeia ba krime kontra umanidade.

Isabelle Arradon haktuir katak "ulun boot sira iha Timor-Leste halo komprimisu ba justisa hodi buka de'it dame – maibé ho husik tiha justisa ba krime grave hanesan ne'e sei deminuiestadu de direitu , no la bele resolve traúma sira iha tempu pasadu."

Iha 2009, governu Timor-Leste halo Maternus Bere, ne'ebé maka hetan ona akuzasaun husi Unidade Krime Grave Nasoins Unidas, sees tiha husi prosekusaun hodi transfere nia ba Indonézia molok nia hetan julgamentu. Bere hanesan ulun-boot milisia ida ne'ebé involve iha masakre oho ema sivil sira iha 1999.

'Timor-Leste: Justisa iha Lalatak-laran' rekoñese etapa importante sira ne'ebé nasaun ne'e foti ona hodi hatama ninia obrigaun barak tuir Estatutu Roma ba iha nia Kódigu Penál. Maske nune'e kuandu ladún iha bandu ida ne'ebé klaru kona-bá amnistia ba krime tuir lei internasionál, no ladún sita provizaun sira kona-bá ko-óperasaun ho Tribunál Penál Internasionál.

Amnesty International suporta tebes planu komprehensivu ba tempu naruk hodi tau-matan ba impunidade iha Timor-Leste.

Ne'e bele inklui atu harii tribunál internasionál ida hodi investiga no julga ema sira be responsavel ona ba krime sira ne'eb'e halo tiha ona iha tempu okupasaun Indonézia; buka tuir ema sira be lakon, reparasaun ba ema rihun sira ne'ebé hetan ona terus no família husi ema sira ne'ebé hetan oho ona, no aprosimasaun ba amnistia, perdaun ka meuz seluk ne'eb'e similar la deminui sentidu estadu de direitu. .

Hitória

Iha fulan Agustu 1999, povu Timor-Leste (uluk East Timor) waen-liu vota ba hili ukun-rasik-an husi Indonézia iha referendu ida ne'ebé suporta husi UNO. Krime kontra umanidade no violasaun direitu umanu seriu sira seluk mosu tiha ona hahú atu tama ba fatin elisaun no hafoin eleisaun. Suspeitu sira husi krime hanesan ne'e barak maka moris no hela iha Indonézia.

Entre 1974 no 1999, estimatiza ona hamutuk ema nain 100,000 (rihun atus ida) maka oho mate ona no balun hamlaha too mate iha Timor-Leste, bazeia ba relatóriu husi Komisaun ba Simu-malun, Lia-los no Rekonsiliasaun iha Timor-Leste (CAVR).

Krime grave kontra umanidade no violasaun direitu umanu sira seluk ne'ebé barak liu akontese durante tinan 24 husi okupasaun Indonézia hahú 1975. Buat hirak ne'e, inklui oho ema, halakon ema, detensaun arbitrariamente, tortura no tratamentu-aat sira seluk; krime funu sira, violensia seksual, violasaun ba direitu labarik, no violasaun ba direitu ekonómia, sosial no kultura.

Krime pasadu sira be maioria boot-tebes, barak-liu halo husi forsa seguransa Indonéziu no ninia emar-sira, sei prezisa atu toka nafatin.

Informasaun liu-tan bele hetan iha Relatóriu Amnesty International '*Ami tanis ba Justisa*': *Impunidade iha nafatin ba tinan-sanulu nia laran iha Timor-Leste*', (AI Index ASA 57/001/2009, 27 August 2009), bele hetan iha: www.amnesty.org/en/library/info/ASA57/001/2009/en

Taka/

Dokumentu Públiku

Atu hatene informasaun liu-tan bele telefone Amnesty International iha London, UK, ho +44 20 7413 5566 or email: press@amnesty.org

Sekretariadu Internasionál, Amnesty International, 1 Easton St., London WC1X 0DW, UK
www.amnesty.org